

۱ مایس
۱۹۲۶

تورک تاریخ انجمنی

اون آلتنجی سنه
نومرو ۱۵ (۹۲)

مجموعه سی



عبدالحمید ثانینک نوظلری

[کچن نسخه دن مابعد]

برآ وافر عسا کر پر سلاح اولدقلری حالده سونکولری تفنکاری اوجنده آتش ایتمه مهیا و بحرآ بیوک زرهیلردن بشقه متعدد کوچک واپور و صندال لر عسکر ایله مالامال اولدینی و آغزلری سرای اوزرینه چوریلش متعدد طوپلری حامل بولندینی حالده همان یناشمغه آماده ایدیلر . بونلری مشاهده بیوردقلری - هنگامده آرتق شبهه محل قالمایوب حکم قدره تبعیتدن بشقه چاره اولدینی معلوملری ایدیهده مفسدینک اشبو حرکت ظالمانه لری وجدان پاکلرینه پک کران کله رک درحال سلطان عبدالعزیز خانی تخلصدن بشقه برشی دوشونمیدیلر . سلاح استعمالنده مهارت تامه لری اولدیغندن و عروق حیت و صداقلرینی اول قدر غدر و جفایه قارشو تسکینه مقتدر اولدقلردن همان چرکس کوله لرندن احمد بک اسمنده بریسنی یانلرینه آلوب سلطان عبدالعزیزک دائره سنه کیتملکی فقط اورایه قدر مسافه خلی بعید اولدینی و اثنای طریقده بر قاچ یرده قره غول و نوبتجیلره تصادف ایله جکلری محقق ایدوکی جناب اقدر القادرینک عون صمدانیسنه صیغینه رق اوکلرنده بولنوب مرورلرینه ممانعت ایده جکلرک ایشلرینی بیترمکی کندولری درعهده و فقط آرقه دن نفس هایونلرینی وقایه ایچون مذکور چرکس احمد بکک معاونت صادق سنه استناد ایتملکی تصیم بیورمشر ایدی .

نه چاره که بودفعه دخی مغدور مشارالیهک طالع ناسازی حائل اوله رق شوکتمآب افندیمز احمد بکی بکله مکده و بو ایسه بولنه مدیغندن یعنی بولندقلری دائره آبلوقه تحتنده اولدیغندن کله میوب برده و اوایلای عمومی آره سنده سلطان عبدالعزیز مرحومک بالجمله شهزادگان و خاندان ذاتیسیله و حافظ محمد و فخری بکلر کی برایکی خائن قرناسیله برابر قایق ایله طوب قپو سراینه متوجهاً ساحلدن آجیلدینی مشاهده اولمشدر . قایق ساحلدن ایکی قایق طولی آجیلیر آجیلماز مومی الیه چرکس احمد بک اوچ درت مترو ارتفاعنده بولنان بر دیواردن آتیه رق قوشوب گلش ایسه ده ایش ایشدن

کچمش اولدیغندن بو احوال اسف اشماله هر طرفدن واوللا ايله آغلامقدن بشقه بر علاج بولنه مامشدر .

سلطان عبدالعزیز مرحوم اون یدی سنه مدتله وکال شان و شرفله ایفا ایلدیکی تاج و تخت سلطنتندن خلع اولنش و یرینه علیهنده میلیونر صرفیله نهایت موفق اولان مراد افندی پادشاه انتخاب ایدلمش ایدی . یوز بر باره جلوس طوپلری دخی بو ائشاده آتلقده ایدی .

حالبوکه او کیجه ساعت بش آلتی صولرنده حسین عونى و مدحت و رشدی و محمودپاشا و خیراه افندی محمودپاشانک قوناغنده عقدانجمن فساد ایتیش واورادن هر بریسنک وظیفه لری تعیین اولنه رق و لازم کلنلر جلب ایدیلهرک و اوامر و تعلیمات لازمه اعطا اولنه رق بشکطاش سرای هایونی عسکر و صندال و واپور ايله احاطه ایدلمش و ماده مؤله خلعهده موفق اولمشلر ایدی .

بوندن یکریمی اوتوز ساعت مقدم یعنی بازار ایرتسی کونی اقشام اوستی استانبولی استیلا ایده جکلرینی اشاعه ایلدکلری مسقوفلرک علیهنده و شهری محافظه و فقط بر آتش ظهورنده صانکه سرای و پادشاهی محافظه ضمنتده همان سرای هایونه کلنلر اوزرینه آتش ایتلرینی امر ایدرک سلطانیه واپور هایونیه شاملی بر قاچ طاپور عسکری سرای پیشکاهنه چیقارهرق سرائی بو عسکرله قوشا بمشدر و اثنای خلعهده کرک عسکره و کرک اهالییه اولا سلطان عبدالعزیز وفات ایلدی دیو اعلان ایدرک ومؤخرأ حقیقت حالی اظهار ایلهرک جمله یی اغفال ایلمشلردی .

مرحوم مشارالیه عساکر مذکورہ نك بر واپور دروننده سرای پیشکاهنده لنگرانداز بولمسندن شبهه لهرک حسین عونى یی جلب ایتک اوزره حسنى بك نامنده بیکباشی بر یاورى دفعاتله کوندرمشلر ایسهده حسین عونى دخی بوندن شبهه لهرک « یارین کلورم » دیو سرائیه کیتهمش و حسنى بك هر نه قدر حضوره چیقوب مفسد مشارالیهك عدم اطاعتی و کلاملرینی حرفیاً نقل ایتک ایسته مش ایسهده مرحومک قرناسندن حافظ محمد بك ذاتاً جمعیت فسادیه افرادندن بولندیغندن کرک مذکور عسکرک مناسبتسز بر زمانده سرای اوکنده وجودینی و کرک حسین عونى نك دعوت هایونه عدم اجابتی (عسکری سلیمیه قیشله سنده یرلشدیریور . یارین صباح کلوب

خاكاپاى شاهانه كزه يوز سورمه چكدر) ديو اهميتىز كوستره رك و مرحومى تسكين و تامين و او يود و نجه به قدر اغفال ايله رك حسين عونى نك و رفقاسنك خيانت و جنايتنى ستره موفق اولمشدى [۱].

[۱] حسنى بكك اثنائى محاكمه ده تقديم ايتدىكى ورقه مندرجاتنه نظراً خلعدن بركون اول سرقىر حافظ محمد بك « افندىز حرم هايونه تشرىف بيورمزدن اولجه سرعسكر پاشانك سربايله جليليه بعض ارادات تبليغى فرمان بيوردىلر. كندىم كيده چك ايدىسه مده بورايله جلى صراحة بيان ايلدكلرندن شايد كندولرىنى كورر مطالعه سى وارد خاطر اولديغندن ويا باب سرعسكرى به كوندريلىن ياورلر باروتخانه ده اولدقلىرىنى خبر وركلرندن يولده چويرمك اوزره نوتجى ياورى كوندردم ايسه ده سنده حسين عونى پاشانك ياليسنه كيت اشبو اراده يى تبليغ ايله « ديمش ، حسنى بك ، حسين عونى پاشانك ياليسنه كيدر ك اراده سنيه يى تبليغ ايلديكسندى بوجه آتى محاوره جريان ايتمشدر :

— ايشلرم وار ، كيده ميه جكم . يارين كليرم . — سرقنايله سرعسكر پاشا كله ميورلر ديدىكم وقت بنده كزى تكدير ايدرلر . نيچون كوزلجه تحقيق ايتمك ، سرعسكر پاشانك ايشلرى نه دن عبارت ايمش و نيچون كله ميورلر ديدىكى وقت نه ديه يم .

— سزى تكدير ايتزلر . كيدك بوراجه ايشم اولوب كيده ميه جكمى بيان ايدىكز . — طولمه باغچه ساحل سرباى او كنده لى كر انداز اولان سلطانيله واپور هايونى نرهدن كلوب نرهبه كيده چك ، دروننده كى عسكر نه در ونه مقداردر ؟ [بوسوالى ، حسنى بك كندىلكندن اراد ايلدىكىنى اشارت ايدىور] .

— بنده شمدى او واپوردن كله يورم . عسكر ، شام رد يفلردير و درت طا بوردر . سليميه قشله سنه يارين چيقاره جىز .

— ديمك كه شمدى كله ميه جكسكز . — يارين ان شالله كله يورم .

حسنى بك ، محاوره يى و سرعسكر ك طور ندن متحصل تاثراتى نقل ايلديكسندى محمد بك « ايش ذاتاً اهميتلى دكل ايدى . اردهاته كوندريلىن طولره دائر اولديغندن سرعسكر يارين كله ، تبليغ ايدرم . نه به متاثر اوليورسك » ديمشدر . او طه دن كيدر ايكن محمد بك چاغيرته رق عسكر سليميه قشله سنه چيقاريله جفى تكرر ايتديروب . اورايله كلن - باش مصاحب هاشم آغا به پادشاهه او يولده عرض ايدىلىنى تنبيه ايتمشدر .

بعد الخلع هاشم آغا ، سرعسكر ك ياليسنه نيچون كوندريلىدىكى وعودته محمد بك نه سويلدىكى صور مسيله حسنى بك محاوره واقعه يى نقل ايلديكسندى هاشم آغا « آه برادر ، سرقنا بكا بويله سويله مدى . سرعسكر پاشا سليميه قشله سنده اولوب طشردن كلن عاكرى قشله به يرلشدير مكدى و ايشلرينك كيجه التى ويا يدى به قدر انجى اكال اولكه جفى و فرداسى اركن كله جكنى و همه حال كلرى فرمان بيوريليرسه كندىليرنه سريماً معلومات و يريلدىكى تقديرده ايشلرينى ترك ايدوب كله جكنى سويلدى . بنده افنديزه بويله جه عرض ايتدىكسندى « تكرر خبر كوندركم ايسته مز ايشلرى وار ايمش . وارسون يارين صباح كلسون » ديه فرمان بيوردىلر « ديمشدر .

او صباح اثنای خلعه سرای هایونی احاطه ایدن طاہورلر بیکباشیلرندن عزت بک نامنده بریسی که مؤخرآ سلطان عبدالعزیز مرحومک شہادتندہ دخی ذی مدخل اولدینی تین ایلشدیر . شوکتآب افندیمرک دائرہلری پیشکاهندہ عسکرہ خطاباً « سزی ویزی و مملکتیزی سلطان عزیز مسقوفلرہ تسلیم ایتک ایستہ یور ایدی . مسقوف کفارینی استانبولہ صوقق ، استانبولی آنلرہ ویرمک اوزرہ ایدی . سلطان مراد سزی و مملکتی قورتاردی . سلطان عزیزک یرینہ سلطان مراد پادشاہ اولدی . سلطان مرادی محافظہ ایدیکز . سلطان عزیز ی قاجیرماییکز ، حفظ ایدیکز . » یوللو لسانمزہ آلفہ حجاب ایلدیکز بر طاقم تفوہات و ہدیانلردہ بولندقدن صکرہ فرانسہ شورشدہ اولدینی کبی « یاشاسون ملت ، یاشاسون وطن ، یاشاسون سلطان مراد » دیو باغیرمقدہ و بو تفوہاتی برقاج یردہ تکرار بتکرار عسکرہ خطاباً ایراد ایلکدہ و بو ائنادہ نہ سرایدن طیشارو ونہدہ طیشارودن ایجرویہ ہیچ کیمسہ نک دخول و یا خروجنہ مساعدہ ایدلمہ مکدہ ایدی . بتون سرای خلقی بو وجہلہ ابلوقہ تحتندہ بولندی و کوچک بیوک ہر کس ہر طرفدن دوچار تحقیرات و تہدیدات اولدینی صرمدہ بردہ بیوک سلطنت قایی ایلہ مراد افندیٹک بشکطاش سراينہ کلدیکی کورلمشدر .

بر آز مدت صکرہ شوکتآب افندیمر ایلہ افندیلر حضراتی کیدوب رسم تبریکی ایفا ایدہ بیلوب ایدہ میہ جکلرینی استفسار ایلہ بو یولدہ استیذان بیورملری و مساعدہ اولنسی اوزرینہ بالجملہ افندیلر حضراتی برچوق نقطہلر و سونکولی نوبتجیلر آرمہ سندن کچرک مراد افندیٹک بولندی دایرہ کیش و ممکن مرتبہ احوال جاریہ دن حاصل اولان تأثر درونلرینی ستر ایتمکہ سعی ایتش و رسم تبریکی ایفا ایلشدر ایدی . مراد افندی ایسہ بوائنادہ « حکم قدر اویلہ ایتش » دیو قہقہہ ایلہ کولمکدن فارغ اولمامقدہ ایدی . برچاریک قدر ملاقات ایدیلدکدن و والدہ سیلہ دخی عین صورتلہ ایفای مراسم تبریک سازی ایلدکدن صکرہ دائرہلرینہ عودت بیورمشلردر . او کوندن خلعت آلتنجی بازار کونہ قدر یعنی سلطان عبدالعزیز مرحومک فرعیہ سرايندہ وقوع شہادتندہ دکین سرای ایچندہ ذکور و انات بالجملہ خاندان و جواری و افراد اوزرینہ اجرا ایدیلمن مظالم ناقابل تعریفدر .

فی الواقع سلطان عبدالعزیز مرحومک دائرہ سی خلقی بشکطاشدن طوب قیو

و فرعيه سراى هايونلرينه كيدر كن اوستلرى باشلى تحرى اولمقده و تحريسي محرمته ياقشيمان يرلرينه قدر بر طاقم حرم آغالرى و بعض ضابطان طرفدن تحرى اولنهرق سنه لرجه ولى نعمتلرينه خدمتلرى ائساننده نائل اوله بيلدكلى بش اون پاره لك آچه و مجوهراتلرينه و بر قاچ ليرالق ساعتلرينه و ارنجهيه قدر ضبط و مصادره ايدلمكده و مرحوم مشاراليهك اشياسى نقل ايديلديكى صروده بتمامها توقيف و مصادره اولنهرق و حتى مرحومك شهادتندن بر هفته صكره ارتحال داربقا ايدن دردنجهي قاديلى يعنى نجابتلو شوكت افندى ايله اسما سلطانك والدهلرى درجه غايه ده خسته اولديغى حالده فرعيه سراينه نقل ايدلك اوزره قايعه بينديرلمكده ايكن باشى و اوموزلرينى ستر ايدن و صفوقدن محافظه سنه مدار اولان بر پارچه شال اوراده بولنان و تحقيقات اخيره ده سلطان عبدالعزيز مرحومك قاتللرندن اولديغى تين ايدن نجيب نامنده بر خان ضابط طرفدن مشاهده اولنهرق عنف ايله آلتوب اشيا مصادره سنه مأمور آدمه و يرلمش و بو وجهله عفيفه مشاراليها آچيق صاچيق بيكلرجه خلق و قايقچيلر و عسكر آره سنده قالمش و بو حال پرملالى چشم تحسرله مشاهده ايله ين بيكلرجه خلق و افنديز ايله اهل بيتلرى كوزلرندن قانلى ياشلر دوكمه مك قابل اولماشمى . كيجه لين ساعت بش التى راده لرنده اشيا نقلى بهانه سيله شوكتما ب افنديزك دائره لرينه طاقم طاقم حمال قياقتلى برچوق حشرات كيروب چيقمقده و اشيا يوغيمش ديو چيقوب ريختيم اوزرنده دائره لك قارشوسنده مدت طويله طور مقده و بو حال ايسه شوكتما ب افنديزك تهالك عظيمه ده اولديغى اياما ايلكده ايدى .

زيرا افنديزك دائره لرى موقع و وضعيتى مناسبتيله هر جهتن تعرضاته آچيق ايدى . بو صروده شوكتما ب افنديز جان و ماللرندن امين اولدقلى رندن بندگان صادقه لرندن بعضيىنى سلاحلنديردك استطاعت اوزره بولمقلىغه مجبور اولمشلر و فى الواقع آتيده تفصيلاً بيان و اثبات اولنهنجى وجهله خلع سلطان عبدالعزيز خانينك دردنجهي كوني نسبتيه قصرينه بالجمله افنديلر حضراتى دعوت اولنهرق كافه سنك اتلافي تصميم ايديلديكى [۱] اليوم محقق و اول وقت برحس قوى حائنده بولنديغندن حال استطاعت مباحوث

[۱] بىك تپه سنده كى نسبتيه قصرينه دعوت مسئله سنه دائر عبدالمجيد ثانى نك آريجه مخرطه سى و اردر . بونده سلطان مرادك قرناسندن سيد بك و ساطيقله قصره نه يوله دعوت ايدلديكى و جلوسندن ايكي اوج آى صكره سيد بك جلب و استنطاق اولمش ايسه ده دعوتك سببى

عنه كروه مفسدين طرفدن مشاهده اولنه رق فكر فاسدلىرىنك حيز ملضته خروجنه مانع اولمش ايدى . مذكور جمعيت فساديه افرادىنك رؤساي مفسده سندن اولمق اوزره بر شخصك دخی ذكرى لازمه دندركه بو شخص عن اصل يونانلى اولديغى حالده اسقالارى غرلاندى ناميله معروف وكرك دور سلطان عبدالعزیز خانده وكرك شوكتآب عبدالحمید خان افندمرك جلوس ميامن مانوسلرندن صكره اجرا سندن كبرى طور مدینى فسادات واغوا آتيله مشهوردر .

بومفسد لئیم، ولی عهد. مشارالیه واتباع وعونه سنه ماصونلق قواعدینى تعلیم ایله انسانیت وهم جنسنه معاونت نقابلى التده جمعیت معلومه افرادینه فساد و ملعت درسلى تدريسيله پرنس وعونه خونه سنى عموجه سنك و ولی نعمتلىرىنك علیهنده

سویله مه مکده اصرار ایتدیكى بیان اولنه رق خاتمه ده « وقت وزمان اقتضاسندن اوله رق اوآره لق بویله شیلری آره مق بك ابی شی اوله میه جفی وبلکه بوندن طولایى بعض آدمیره بیوجك مجازاتلر ایدىلك لازم كلهجكى ملاحظه سنه مبنی آتی به براقلمشدى » دنيلمکده در. بوقره یه نظراً بالاخره اجرا قیلنان محاکمه مشهوره ومجازات معلومه نك ده اوزماندن مصمم اولدیغى آ کلاشیلور .

سلطان مرادك جلوسنك دردنجی كونی مابینجی سیدبك، ولی عهد عبدالحمید افندىنك دائره سنه كلهرك دیگر افندیلر نسبتیه قصرینه كلهجكردن ایرتسى صباح قصرده بولنلمسى و سلطان مرادك ده كلوب برلكده طعام والتفات ایده جكنى تبلیغ ایتش ومشارالیه معذرتنه بناء كیده میه جكنى سویله مك اوزره سلطان مرادك نزدینه كیتدیكى صیره ده داماد نوری پاشا ایكى دفعه كلوب قولاغنه برشى سویله مش اولدیغى اثنای محاکمه ده سؤال اولندقه نوری پاشا شوجوانی ویرمشر: « سلطان عبدالحمیدك تعریفلىرى والده سلطان خبر آلمسى اوزرىنه بنی جلب ایدوب » نسبتیه دعوتنه دائر زهنا بر شی آچامسى اخطار ایت « ديه امر ایتسيله سلطان مرادك قولاغنه سويلديكم والده سنك بوتنیهی ایدی . كیفیتی والده یه سويلديكمده تكرار بنی اوغلنه كوندروب » اكر سلطان عبدالحمید نسبتیه دعوتنه دائر برشى آچهجق اولورسه دخی آكا دائر هیچ بر جواب ویرسون « دیدى ، ینه كیدوب تفهیمه مجبور اولدم . والده نك مكرر خبر كوندرمى مرادك ایشن خبری اولیوب شاید سوز آچیلیرسه ایشك میدانه چیقه جفی مطالعه سندن نشأت ایده جكى دركاردر .

سلطان عبدالعزیزك خلعیله صورت انتقاله دائر وزرای وكلادن كال پاشانك سويلديكى مرثیه - هنكام محاکمه ده - غزته لرله اعلان ایتدیریلشدرکه نسبتیه قصرینه دعوت مسئله سی اومرئیه ده شویله نقل اولنیور :

« خلعدن صكره مرور ایتشدی اوچ كون ناكهان نسبتیه قصرینه مدعو اولوب شهزادكان آكلادی مقصد نه در سلطان حمید نكته دان ایتیموب قصره عزیمت قیلدیلر تخلیص جان »

ودولت و حكومتى اساسندن تهيز ايدى جك بر طريق مفسدته دوامه ترغيب ايلر و پرنس ايله درجه ارتباطنى اول درجهيه وارد ير مش ايدى كه روزوشب نزدنده بولنور و قوربغلى دره چقتلكنده كل يوم سفره سنده باش باشه ويره رك طعام ايلد كدن ماعدا صيق صيق دخى مخفياً سراى هايونه كله رك پرنسك حرم دائره سنده دخول ايله اوراده بلا تكلف خرستاكى و كوچه اوغلى اغوب و رضا پاشا و اوغلى ابراهيم و كمال بك و طيب قاپليون ايله برلكده صباحلره قدر عيش و عشرت و فساد پلانلرى ترتيبيله اشتغال ايلد كدن صكره اوراده بيتوتت ايلكده ايديلر .

مؤخراً شوكتآب افنديمرك جلوسلردن صكره دخى ليئم مرقوم غرلاندى ، اوقاف مستشارى متوفى عزت افدينك اوغلى عزيز بك و پرنسك ايكنجى كاتى حسن بك و ايتديكى فسادلردن طولايى شهره چيقاريلان نقش فند نامنده مراد افدينك بر جاريه سى وساير بر كروه ملاعين مراد افدينك والده سيله متفقاً شوكتآب افدمرك عليهنده عظيم بر قوميتة تشكيل و قليج على ده بر صو بولجيسى و امامى اچقه قوتيله قزانهرق صويوللرى واسطه سيله مراد افدينك والده سيله ملاقات و عريض و عميق مذاكره و يا مخبره ايلكده ايكن مرحوم ضبطيه ناظرى محمد پاشا زماننده طرف ضابطه دن حس اولنهرق عزيز بك خانهنده قوميتة نك اجتماعى ائناسنده باصلمش و ارباب مفسدتك جمله سى توقيف ايله بعدالحا كه نفى ايدلمش ايسه ده ليئم مرقوم بولنه ميوب ملعونه مرقومه نقش فند ايله يونانستانه فرار ايلمش و حتى ملعونه مرقومه اوصره ده سرايدن اوچ درت ياشنده بر كوچك جاريه يى دخى قاچيره رق مؤخراً اداره سندن عاجزه بولندينى جهته بك اوغلنده مارابت سورلره تسليم ايله كنديسى ملعون مرقوم غرلاندى ايله صاووشمشدر .

اخيراً معصومه مومى اليها يدى سكر ياشنده اولدينى حالده ميرلوا و يتاليس پاشا طرفندن اقامتكاهى خبر آلنهرق كيفيتى پاشاى مومى اليه عرض ايلسى اوزرينه جاريه مومى اليها طلب ايله جلب بيورلمش و مدت غيبوبتنده نصرانيتله ها لوف اولمش ايدو كندن الحاله هذه نزد هايون ولى النعميده بولنهرق يكيدن دين اسلامه ارجاعيله اشتغال قيلنمقده بولنمشدر .

[سطور آتیه ، آيرى بر كاغده يازيله رق اوستنه (۱) اشارت ايدلمش ايسه ده هانكى صحيفه يه متعلق اولدينى آ كلاشيله مديغندن بورايه يازيلمشدر .] :

سلطان عبدالعزیز خلع اولئش و مراد افندی تحت سلطتی ضبط ایتمش و هیچ برطرفدن خاقان جدیدک اجرای نفوذ ایلمسنه مانع اوله جق برشی قلامش اولدیفی حالده بالجله افندیلر حضراتنک وبالخاصه شوکتآب افندیمزک دائرہ لری اطرافندن آبلوقہ یی قالدیر مامشر و بوحال وقوع خلعدن برماہ صکرہ یه قدر دوام ایلمش ایدی۔
 بواثناده یعنی وقعہ مؤلمہ فاجعہ نک همان ایرتسی و یاخود دها ایرتسی کونی امثال وقاعدہ سنه تبعیتله شوکتآب افندیمزک ولی عهدلره مخصوص دائرہ یه ورشاد افندی حضر تلیرنک، افندیمزک دائرہ لرینه نقل بیورملری لازم کلور ایکن و بوبابده کرک افندیمز و کرک رشاد افندی طرفندن دفعاتله مراد افندی یه ووالده سنه مراجعت وقوعبوله رق استیدان کیفیت بیورلمش ایسده برطاقم سفسطہ لرله تأخیر اولئش و حتی برطاقم اسباب غیر معقولہ ایرادیلہ مراد افندینک اسکی دائرہ سندن اشیائی بیله تبدیل مکان ایتدیر یلمه مشدر ۔

بومدت ظرفنده بہر آن ودقیقہ ده مراد افندی واتباعی طرفندن معانی تہدیدہ یی جامع اطوار وحرکات ابرازندن کیرو طورلماش فقط کرک شوکتآب افندیمزہ وکرک اہل بیت و اتباع وبندکان شاہانہ لرینه علناً برفنائق اجراسنہ افکار عمومیہ یه قارشو جرأت ایدہ مدکلرندن حمد اولسونکہ شوکتآب افندیمز و برقاچ نفر جسور وصادق بندکان شاہانہ لری طرفندن کوستریلن سعی و اقدام و حال استطاعت ثمرہ حسنہ سی اولق اوزرہ (الحائض خائف) حدیث شریفنک سرینہ مظهر اولان ارباب اغراض طرفندن تسلطہ محاسرت ایدلمه مشدر ۔

بردفعہ دخی مراد افندی طرفندن شوکتآب افندیمزہ سلاملق جہتندہ بندکانندن هیچ برارکک بولندیر لمامسی دارالسعادہ آغاسی سلیمان آغا واسطہ سیلہ رسماً تبیین ایتدیر یلمش فقط افندی مشارالیهک جتی افندیمزجہ معلوم
 [اصلی ، خزینہ اوراقہ محفوظدر]